

## ალგორითმები და მონაცემთა სტრუქტურები

ალექსანდრე გამყრელიძე

### შესავალი

ჩვენს ყოველდღიურ ცხოვრებაში ალგორითმები უადრესად დიდ როლს თამაშობენ ისე, რომ ჩვენ ამას ვერც კი ვამჩნევთ. უფრო მეტიც, ბევრმა არც კი იცის, თუ რა არის ალგორითმი. არა და ალგორითმები ყოველ ფეხის ნაბიჯზე გხვდება, ამ სიტყვის პირდაპირი მნიშვნელობით -- ადამიანის სიარული გარკვეული თვალსაზრისით ალგორითმია: მარცხენა ფეხი გადადგი წინ, ტანი გადახარე ოდნავ წინ, მარჯვენა ფეხი გადაგი წინ და ეს პროცესი თავიდან გაიმეორე მანამ, სანამ სიარულის შეწყვეტა მოგინდება. სხვათა შორის, ეს ცენტრალური ალგორითმია რობოტებისათვის განხორციელებული არ არის -- როგორც აღმოჩნდა, ასეთი ერთი შეხედვით მარტივი ალგორითმის რეალიზაცია ძალიან რთულია.

მეორე მაგალითად ფშავური ხინკლის გაკეთების ალგორითმი შეიძლება მოვიყვანოთ:

მონაცემები:

ხორცი, ხახვი, რეპანი, ქონდარი, წითელი წიწაკა, პილპილი, მარილი, ფქვილი

ალგორითმის მუშაობის შედეგი: ფშავური ხინკალი

ალგორითმის მუშაობის აღწერა:

**ალგორითმი „ფშავური ხინკალი“**

მონაცემები: ხორცი, ხახვი, რეპანი, ქონდარი, წითელი წიწაკა, პილპილი, მარილი, ფქვილი, წყალი

1. გააკეთე ბულიონი: ძვლები ჩაყარე ქვაბში, დაასხი იმდენი წყალი, რომ დაიფაროს და ნელ ცეცხლზე ადუღე. როცა გასინჯავ და უავე წყალ-წყლა ადარ იქნება, გადმოდგი და გაატარე წვრილ ბადეში, რომ ძვლების ნარჩენები არ შეჰვეს. ამის შემდეგ გააცივე და გვერდზე გადადგი.
2. ხორცი, წიწაკა, ხახვი, რეპანი და ქონდარი ცალ-ცალკე წვრილდ აკეტე.
3. ხორცს დაასხი მარილით და წიწაკით გაზავებული ნელ-თბილი ბულიონი და აზილე. შემდეგ კიდევ დაასხი და აზილე. ეს პროცედურა გაიმეორე მანამ, სანამ ბულიონს არ შეიწოვს და თავზე კიდევ ცოტა არ დადგება.
4. არსებულ ფარშს შეურიე დარჩენილი ხახვი, წიწაკა, პილპილი და მწვანილი (გემოვნებით).
5. შემდეგ აიღე ზუსტად იმდენივე ბულიონი, რამდენიც დაჭირდა ხორცს და შეურიე მარილი ისე, რომ სიმლაშე საქმაოდ ეტყობოდეს. ამ ბულიონით მოზიდე საქმაოდ მაგარი ცოში.
6. დაადგი ბევრი წყალი ძალიან მაღალ ცეცხლზე.
7. ცომიდან ჩამოჭერი მოგრძო ნაჭერი, თოკივით დაამრგვალე და დაჭერი პატარა ნაჭრებად. ეს ნაჭრები ცალ-ცალკე გააბრტყელე თხელ, მრგვალ დისკებად. კოგზით აიღე ფარში, ცომის დისკებზე დადე და გაახვიო.
8. შემდეგ ჩაყარე მდუღარე, მარილიან წყალში და დაახლოებით 10<sup>o</sup> ხარშე.

**ალგორითმი დასრულებულია**

ზემოთ მოყვანილ ხინკლის ალგორითმში შემდეგი რამ არის გასათვალისწინებელი: „ცომის მოზელვის“ პროცესი თავის მხრივ ალგორითმია, რომელიც პერიოდულად უნდა გაგრძელდეს მანამ, სანამ ცომი სასურველ კონსისტენციას არ მიაღწევს (ასეთივე რამ შეიძლება ითქვას ხორცის აკეტეს პროცედურაზეც). ესე იგი, აქ ჩართულია კიდევ შემოწმების შექანიზმი: თუ კონსისტენცია კარგია, მაშინ ალგორითმი დაასრულე. თუ არა, იგივე გაიმეორე.

ზოგადად, ალგორითმი რაიმე ამოცანის გადაჭრის გზაა, მაგრამ ამ გადაჭრისას უნდა გავითვალისწინოთ შემდეგი სამი პუნქტი:

1. ალგორითმი უნდა შედგებოდეს ერთი ან რამოდენიმე ბიჯისაგან;
2. როცა ალგორითმი ერთი ბიჯის შესრულებას დაასრულებს, იგი შემდგომი ბიჯის შესრულებაზე უნდა გადავიდეს;
3. ბიჯები შეიძლება პერიოდულად გამეორდეს, მაგრამ საერთო ჯამში ყოველი ალგორითმის ბიჯების საერთო რაოდენობა სასრული უნდა იყოს -- ალგორითმი როდესდაც უნდა გაჩერდეს.

ალგორითმებში მნიშვნელოვანია ორი ასპექტი:

1. სისტორია -- ეს ალგორითმი მართლა იმას აკეთებს, რაც მოეთხოვება?
2. სისტრაფე -- რამდენ ბიჯს ანდომებს ალგორითმი დაწყებიდან დამთავრებამდე?

ჩვენს ირგვლივ ძალიან ბევრი ამოცანა არსებობს: ხინჯლის მოხარუში დაწყებული და კოსმოსში რაკეტების გაგზავნით დამთავრებული. ბუნებრივად წამოიჭრა შეკითხვა: შეიძლება თუ არა ყველა ამოცანა ალგორითმულად გადაიჭრას? როგორც აღმოჩნდა, არსებობს ისეთ ამოცანათა სიმრავლე, რომლებსაც ალგორითმულად ვერ ამოვხსნით. უფრო მეტიც -- გაცილებით მეტია ისეთი ამოცანები, რომლებსაც ალგორითმულად ვერ ამოვხსნით, ვიდრე ისეთები, რომლებსაც შეიძლება მოვუგონოთ ალგორითმი. ეს კი იმას ნიშნავს, რომ ადამიანის ცხოვრებაში გაცილებით მეტი რამ არის ისეთი, რომელსაც კომპიტერი ვერ ამოხსნის, ვიდრე ისეთი, რომელსაც „ხელოვნური ინტელექტი“ დაძლევს.

როგორც აღმოჩნდა, ალგორითმულად ამოხსნად ამოცანებს შორისაც არსებობს ისეთი ამოცანები, რომელთა დღეისათვის ცნობილი ალგორითმებით ამოხსნაც ძალიან დიდ დროს მოითხოვს, ანუ უმტკქმებში ჩვენს ხელთ არსებული უძლიერესი გამომთვლელი მანქანებით ასობით ათას წელს მოანდომებდა -- ბიჯების რაოდენობა ძალიან სწრაფად იზრდება. მაგრამ მთავარი აქ ისაა, რომ არ არის ცნობილი, შეიძლება თუ არა ასეთი ამოცანებისათვის დაიწეროს ისეთი ალგორითმი, რომელიც უფრო სწრაფი იქნებოდა.

როდესაც წამოიჭრება ახალი ამოცანა, პირველ რიგში უნდა დაგადგინოთ, შეიძლება თუ არა მისი ალგორითმულად ამოხსნა. თუ არ შეიძლება, მაშინ უნდა დავადგინოთ, როგორ შევცვალოთ ამ ამოცანის პირობები ისე, რომ იგი ამოხსნადი გახდეს და, ამავდროულად, რაც შეიძლება ახლოს იყოს ამ დასმულ ამოცანასთან.

თუ ამოცანა ამოხსნადია, უნდა დავადგინოთ, შეიძლება თუ არა მისი სწრაფად ამოხსნა? თუ არ შეიძლება, მაშინ უნდა დავადგინოთ, როგორ შევცვალოთ ამ ამოცანის პირობები ისე, რომ იგი ამოხსნადი გახდეს და, ამავდროულად, რაც შეიძლება ახლოს იყოს ამ დასმულ ამოცანასთან (ევრისტიკების შექმნა) ან ისეთი სწრაფი ალგორითმი შევქმნათ, რომელიც ზუსტად იმავე მონაცემებზე და პირობებში ზუსტ პასუხსრულ მიახლოვებულ პასუხს მოგვცემს (მიახლოებითი ალგორითმები).

მაგრამ თუ სწრაფი ალგორითმის შექმნა შესაძლებელია, როგორ შექმნათ ოპტიმალური ალგორითმი, ანუ ისეთი, რომ მასზე სწრაფი ალგორითმი არ არსებობდეს.


ამ საკითხების გარკვევაში გვეხმარება თეორიული ინფორმატიკის ერთ-ერთი განხრა -- ალგორითმების თეორია, რომლის შესავალსაც ჩვენ აქ განვიხილავთ.

# 1 ალგორითმების მარტივი მაგალითები

## 1.1 მგელი, კურდელი და სტაფილო

განვიხილოთ ბევრისათვის კარგად ცნობილი ამოცანა მგლის, კურდელისა და სტაფილოს შესახებ (ეს ამოცანა უფრო კარგადაა ცნობილი, როგორც მგლის, ცხვრისა და კომბოსტოს ამოცანა):

მდინარის ერთ ნაპირზე იმყოფებიან ბეჭემოტი, მგელი, კურდელი და სტაფილო (ნახ.1). ბეჭემოტს აქვს ნავი, რომელშიც ეტევა მხოლოდ იგი და ერთი რომელიმე სხვა მგზავრი: მგელი, კურდელი ან სტაფილო.



ნახ. 1:

სანამ ბეჭემოტი სხვა ცხოველებებან ერთადაა ნაპირზე, ისინი კარგად იქცევიან და ერთმანეთს არ დაერევიან. მაგრამ საკმარისია მან მარტო დატოვოს ერთ ნაპირზე კურდელელი და მგელი, რომ ეს უკანასკნელი კურდელელს ეტაკება. თვით კურდელელი კი მარტო დარჩენილ სტაფილოს შესჭამს.

თუ მგელი სტაფილოთი დარჩება ერთ ნაპირზე მარტო, არაფერი არ მოხდება.



ნახ. 2:

ამოცანა მდგომარეობს შემდეგ ში: დაწერეთ ალგორითმი, რომლის მეშვეობითაც ბეჭემოტი თავისი ნავით სამიგეს გადაიყვანს მეორე ნაპირზე.

პირველ რიგში უნდა ჩამოვაყალიბოთ ამოცანა: მოცემულია, საბოლოო შედეგი და ალგორითმის მსგლელობისას დადებული შეზღუდვები.

მოცემულია: მდინარე და მის ერთ ნაპირზე მყოფი ნავი, ბეჭემოტი, მგელი, კურდელელი და სტაფილო (ნახ. 1 (ა)).

შედეგი: ეს ყველა მეორე ნაპირზე ერთად მყოფი (ნახ. 1 (ბ)).

შეზღუდვა: ცხოველები გადაჰყავს ბეჭემოტს თრ ადგილიანი ნავით (პირველი შეზღუდვა -- ნავში უნდა იჯდეს ბეჭემოტი, რომელსაც მხოლოდ ერთი ადგილი რჩება თავისუფალი და, აქედან გამომდინარე, მეორე ნაპირზე ერთ ჯერზე შეუძლია გადაიყვანოს ან მხოლოდ მგელი, ან მხოლოდ კურდელელი, ან მხოლოდ სტაფილო). მგლისა და კურდელის მარტო დატოვება არ შეიძლება, ასევე არ შეიძლება კურდელისა და სტაფილოს მარტო დატოვება (მეორე და მესამე შეზღუდვა).


ამ ამოცანის ამოსახსნელად შეიძლება გამოვიყენოთ შემდეგი ალგორითმი, რომლის ყოველი ბიჯის ნახატი წარმოდგენილია 3-ში (დავუშვათ, რომ დასაწყისში ყველა მდინარის მარცხენა ნაპირზეა და ბოლოს მარჯვენა ნაპირზე უნდა იყოს):

### ალგორითმი „მგელი, კურდღელი და სტაფილი“

მონაცემები: მდინარე და მის მარცხენა ნაპირზე განთავსებული ბეჭედობი, მგელი, კურდღელი და სტაფილი;

1. მარჯვენა ნაპირზე გადაიყვანე კურდღელი ;
2. დაბრუნდი მარცხენა ნაპირზე ;
3. მარჯვენა ნაპირზე გადაიყვანე მგელი ;
4. მარცხენა ნაპირზე გადაიყვანე კურდღელი ;
5. მარჯვენა ნაპირზე გადაიტანე სტაფილი ;
6. დაბრუნდი მარცხენა ნაპირზე ;
7. მარჯვენა ნაპირზე გადაიყვანე კურდღელი .

### ალგორითმი დასრულებულია



ნახ. 3: ალგორითმის თითოეული ბიჯი

პირველ რიგში უნდა დავამტკიცოთ ამ ალგორითმის სისტორე: რომ მისი საწყისი მონაცემებით გაშვებისას სასურველი შედეგი მიიღება და რომ ამ ალგორითმის მსგლელობისას ამოცანის არც ერთი პირობა არ ირდვევა (არ ხდება ისეთი რამ, რაც ზემოთ ჩამოთვლილ შეზღუდვებს დაარღვევდა).


სავარჯიშო 1.1: დაამტკიცეთ ამ ალგორითმის სისტორე.

შემდეგ უნდა გამოვითვალოთ მისი სისტრაფე, ანუ რამდენ ბიჯს ანდომებს იგი დასაწყისიდან გაჩერებამდე.

სავარჯიშო 1.2: დაითვალიერეთ ამ ალგორითმის ბიჯების რაოდენობა.

როგორც წესი, ყოველდღიური ამოცანის დასმისას დიდი ინფორმაცია არ არის მნიშვნელოვანი. მაგალითად, არ არის საინტერესო, თუ რა ფორმისა ან სიგანისაა მდინარე, რა ფერისაა ნაგი და ა.შ. ჩვენ გვაინტერესებს მხოლოდ ის ინფორმაცია, რომელიც ამოცანის პირობისთვისაა მნიშვნელოვანი. მაგალითად ის, რომ ერთ ჯერზე მხოლოდ ორი მგზავრი ეტევა ნავში და ერთ-ერთი მგზავრი აუცილებლად ბეჭედობია. თუ ჩვენ მარცხენა ნაპირს

დავარქმევთ  $A$ , ხოლო მარჯვენას კი  $B$ , ეს ორი ნაპირი შეგვიძლია გამოვსახოთ ორი სიმრავლით, რომელსაც აგრეთვე სიმრავლე  $A$  და სიმრავლე  $B$  ეცოდება. ყოველ ცხველს შევუსაბამებთ ერთ ასოს – ბეჭედობი  $\Rightarrow \delta$ , მგელი  $\Rightarrow \theta$ , კურდღელი  $\Rightarrow \beta$  და სტაფილო  $\Rightarrow \mathbf{b}$  (ნახ. 4).




ნახ. 4:

მაშინ საწყისი და საბოლოო პირობები შემდეგნაირი იქნება (ნახ. 5). მათემატიკურ ენაზე კი დასმული ამოცანის პირობა ასე შეიძლება ჩამოყალიბდეს:

მოცემულია: ორი სიმრავლე  $A = \{\delta, \theta, \beta\}$  და  $B = \emptyset$ .

შედეგი:  $A = \emptyset$  და  $B = \{\delta, \theta, \beta\}$ .

შეზღუდვა: ყოველ ჯერზე იმ სიმრავლიდან, რომელიც შეიცავს ასო „ $\delta$ ”, მეორე სიმრავლეში უნდა გადავიტანოთ ეს ასო და კიდევ ერთი ან ნული ასო. ის სიმრავლე, რომელიც არ შეიცავს ასო „ $\delta$ ”, არ უნდა შეიცავდეს ერთად ასოებს  $\{\theta, \beta\}$  და  $\{\delta, \beta\}$ .



ნახ. 5:

ამოცანის პირობა ოდნავ გამარტივდება, თუ ასოების ნაცვლად გარკვეულ რიცხვებს ავიღებთ: ბეჭედობი  $\Rightarrow 10$ , მგელი  $\Rightarrow 1$ , კურდღელი  $\Rightarrow 2$  და სტაფილო  $\Rightarrow 3$ . მაშინ კურდღლისა და სტაფილოს ან კურდღლისა და მგლის ერთ ნაპირზე ყოფნა იმას ნიშნავს, რომ შესაბამისი სიმრავლის ელემენტების ჯამი კენტია, ხოლო ის ფაქტი, რომ ბეჭედობი რომელიგაცა ნაპირზე არ იმყოფება, იმას ნიშნავს, რომ შესაბამისი ელემენტების ჯამი ნაკლებია 10-ზე.

საგარჯიშო 1.3: ზემოთ ნახსენები ამოცანა ჩამოყალიბეთ რიცხვებისათვის.

საგარჯიშო 1.4: წინა საგარჯიშოში ჩამოყალიბებული ამოცანისათვის დაწერეთ ალგორითმი და მისი ყოველი ბიჯისათვის შესაბამისი სიმრავლეები ჩამოწერეთ.

საგარჯიშო 1.5: დაამტკიცეთ წინა საგარჯიშოში დაწერილი ალგორითმის სისტორე და დაითვალიერეთ მისი ბიჯების რაოდენობა.

## საგარჯიშო 1.6: განიხილეთ შემდეგი ალგორითმი:

**ალგორითმი „მგელი, კურდღელი და სტაფილო“ (სწრაფი ვერსია)**

მონაცემები: მდინარე და მის მარცხენა ნაპირზე განთავსებული ბეჭედობი, მგელი, კურდღელი და სტაფილო;

1. მარჯვენა ნაპირზე გადაიყვანე კურდღელი ;
2. დაბრუნდი მარცხენა ნაპირზე ;
3. მარჯვენა ნაპირზე გადაიყვანე მგელი ;
4. დაბრუნდი მარცხენა ნაპირზე ;
5. მარჯვენა ნაპირზე გადაიტანე სტაფილო .

## **ალგორითმი დასრულებულია**

**საგარჯიშო 1.7:** მივიღებთ თუ არა ამ ალგორითმის მუშაობის შემდეგ იმ შედეგს, რომელიც ამოცანაშია მოთხოვნილი? არის თუ არა ეს კველაზე სწრაფი ალგორითმი იმ ალგორითმთა შორის, რომელიც ამ ამოცანას ხსნის?

**შენიშვნა:** აქამდე წვენ განვიხილავთ შემთხვევას, როდესაც დასაწყისში ყველა მარცხენა ნაპირზე დგას. ზუსტად იგივე მსჯელობის ჩატარება შეიძლება იმ შემთხვევისათვის, როდესაც ყველა მარჯვენა ნაპირზე დგას. ამ შემთხვევისათვის ალგორითმი ანალოგიური იქნება. არც იმას აქვს მნიშვნელობა, თუ რა თანმიმდევრობით ჩამოვთვლით ცხოველებს მოცემულობაში. ეს ყოველთვის ასე არაა, როგორც შემდეგი მარტივი მაგალითი გვიჩვენებს:

მოცემულია ორი რიცხვი. გამოითვალიერ კირველი რიცხვი  
—  $\frac{\text{კირველი რიცხვი}}{\text{შეორე რიცხვი}}$ .

ცხადია, რომ აქ გადამწყვეტი მნიშვნელობა აქვს რიცხვების თანმიმდევრობას.

**საგარჯიშო 1.8:** განვიხილოთ  $n$  მთელი რიცხვის ზრდადობით დალაგების ამოცანა. რა არის ამ ამოცანაში მოცემული? რა უნდა იყოს მისი საბოლოო შედეგი?

**საგარჯიშო 1.9:** მოიყვანეთ შემდეგი ამოცანის ალგორითმი: მოცემული 10 ცალი მთელი რიცხვისათვის დაითვალიერ კენტ რიცხვთა ჯამი. მინიშნება: ყოველ ბიჯზე უნდა შევამოწმოთ, არის თუ არ მოცემული რიცხვი კენტი.

რამდენ ბიჯს მოითხოვს ასეთი ლგორითმი? რიცხვის კენტობის შემოწმება და მიმატების ოპერაცია თითო-თითო ბიჯად ჩათვალიერ.

რა არის ამ ამოცანის მონაცემი? რა არის შედეგი? როგორია პირობაზე დადებული შეზღუდვა?

**ამოცანა:** ორი დიდი ხნის უნახავი მათემატიკოსი ერთმანეთს ხვდება. ერთი ეუბნება: მე სამი შვილი მყავს. ერთ რამეს გმტყვი და თუ გამოიცნობ მათ ასაკს: მათი ასაკის ნამრავლია 36.

მეორე ეუბნება: ვერ გამოვიცნობ, დამატებით სხვა პირობა მჭირდება. პირველი ეტყვის: მათი ასაკის ჯამი შენს წინ მდებარე სახლის ფანჯრების რაოდენობის ტოლია. მეორე შეხედავს სახლს და ეტყვის: ერთი დამატებითი პირობა კიდევ მჭირდება.

პირველი ეტყვის: უფროსს დაურჯი თვალები აქვს. ამით მეორე სამიგეს ასაკს გამოიცნობს.

**შეკითხვა:** რამდენი წლის არიან შეიღები?